

Jnr: 2315 prot
dt: 26.07.2021



REPUBLIKA E SHQIPËRISË
KUVENDI
SEKRETARI I PËRGJITHSHËM

Z.V. Rakkore
Sekretar F.G.
D.I.T.
[Signature]

Nr. 1708 prot.

Tiranë, më 23.07.2021

Lënda : Mbi shpalljen e vendeve vakante për dy anëtarë të Këshillit të Lartë Gjqësor dhe dy anëtarë të Këshillit të Lartë të Prokurorisë

**SHKOLLËS SË MAGJISTRATURËS
UNIVERSITETIT TË TIRANËS
UNIVERSITETIT "LUIGJ GURAKUQI", SHKODËR
UNIVERSITETIT "ALEKSANDËR MOISIU", DURRËS
UNIVERSITETIT TË NEW YORK-UT, TIRANË
UNIVERSITETIT "LUARASI"
UNIVERSITETIT "BARLETI"
KOLEGJIT UNIVERSITAR "QIRIAZI"
UNIVERSITETIT EUROPIAN TË TIRANËS
KOLEGJIT UNIVERSITAR "WISDOM"
UNIVERSITETIT "EPOKA"
UNIVERSITETIT "MESDHETAR TË SHQIPËRISË"
KOLEGJIT UNIVERSITAR "TBU"
KOLEGJIT UNIVERSITAR "BEDËR"
KOLEGJIT UNIVERSITAR TË BIZNESIT**

Të nderuar Rektorë,

Të nderuar Dekanë të fakulteteve të drejtësisë,

Sipas përcaktimeve të nenit 147, pika 2, dhe nenit 149, pika 2, të Kushtetutës së Republikës së Shqipërisë, përcaktimeve të neneve 37, pika 1 dhe 135, pika 1, të Ligjit nr. 115/2016 "Për Organet e Qeverisjes së Sistemit të Drejtësisë", Sekretari i Përgjithshëm i Kuvendit të Shqipërisë me vendimin nr. 2 datën 22.07.2021, ka vendosur shpalljen e dy

vendeve vakant në Këshillin e Lartë Gjyqësor dhe dy vende vakant në Këshillin e Lartë të Prokurorisë, nga trupa e pedagogëve të fakulteteve të drejtësisë dhe të Shkollës së Magjistraturës. (bashkëlidhur vendimi dhe shpallja në faqen e Kuvendit, <http://www.parlament.al/News/Index/13920>)

Kërkohet nga ana juaj, marrja e masave për shpalljen e thirrjes për paraqitjen e shprehjeve të interesit nga anëtarët e personelit akademik dhe nga pedagogët e Shkollës së Magjistraturës sipas përcaktimeve të nenit 37, pika 2 të Ligjit nr.115/2016 “Për Organet e Qeverisjes së Sistemit të Drejtësisë”, si dhe ndjekja e procedurave ligjore sipas përcaktimeve të ligjit të lartëpërmendur.

Sjellë në vëmendjen tuaj, se në këtë proces është me shumë rëndësi respektimi me korrektësi i afateve ligjore, si një detyrim për vijimin më tej të procedurës nga Kuvendi i Shqipërisë,

Duke Ju falënderuar për bashkëpunimin,

SEKRETARI I PËRGJITHSHËM





REPUBLIKA E SHQIPËRISË
KUVENDI
SEKRETARI I PËRGJITHSHËM

Nr. 1685 Prot.
12

Tiranë, më 22.07.2021

V E N D I M

NR. 2

**“PËR SHPALLJEN E VENDEVE VAKANTE PËR KANDIDATËT NGA TRUPA
E PEDAGOGËVE TË FAKULTETEVE TË DREJTËSISË DHE TË SHKOLLËS
SË MAGJISTRATURËS PËR ANËTARËT E KËSHILLIT TË LARTË
GJYQËSOR DHE KESHILLIT TË LARTE TË PROKURORISË”**

Në mbështetje të neneve 37 dhe 135, të ligjit nr. 115/2016, datë 03.11.2016 “Për Organet e Qeverisjes së Sistemit të Drejtësisë”, të neneve 11 dhe 16, të ligjit nr. 44/2015 “Kodi i Procedurave Administrative i Republikës së Shqipërisë”:

V E N D O S A :

1. Të shpallë dy vende vakante për anëtar në Këshillin e Lartë Gjyqësor dhe dy vende vakante për anëtar në Këshillin e Lartë të Prokurorisë nga trupa e pedagogëve të fakulteteve të drejtësisë dhe të shkollës së magjistraturës.
2. Shpallja e vendeve vakante dhe kushtet që duhet të plotësojnë kandidatët sipas nenit 36 të ligjit nr. 115/2016, datë 03.11.2016 “Për Organet e Qeverisjes së Sistemit të Drejtësisë” për anëtar në Këshillin e Lartë Gjyqësor dhe nenit 135 të ligjit nr. 115/2016, datë 03.11.2016 “Për Organet e Qeverisjes së Sistemit të Drejtësisë” për anëtar në Këshillin e Lartë të Prokurorisë, të publikohen në faqen zyrtare të Kuvendit.
3. Ky vendim hyn në fuqi menjëherë.

SEKRETARI I PËRGJITHSHËM

Genci GJONÇAJ



NJOFTIM PËR SHPALLJEN E VENDIT VAKANT PËR ANËTAR TË KËSHILLIT TË LARTË GJYQËSOR

Sipas përcaktimeve të nenit 147 të Kushtetutës së Republikës së Shqipërisë dhe nenit 36, 37 dhe 39 të ligjit nr. 115/2016, datë 03.11.2016 “Për Organet e Qeverisjes së Sistemit të Drejtësisë”, Sekretari i Përgjithshëm i Kuvendit të Shqipërisë me vendimin nr. 2, datë 22.07.2021, vendosi “*Shpalljen e dy vendeve vakante për anëtar të Këshillit të Lartë Gjyqësor nga trupa e pedagogëve të fakulteteve të drejtësisë dhe të Shkollës së Magjistraturës*”.

Ftohen për paraqitjen e kandidaturave për anëtar të Këshillit të Lartë Gjyqësor, individët që:

- a) janë shtetas shqiptarë
- b) kanë jo më pak se 15 vjet përvojë profesionale si jurist.
- c) në kohën e kandidimit, të jenë pedagogë me kohë të plotë jo më pak se 5 vjet në fakultetin e drejtësisë të një institucioni të arsimit të lartë (IAL) ose pedagogë të brendshëm ose të jashtëm jomagjistratë në Shkollën e Magjistraturës;
- d) janë personel akademik të kategorisë “profesor” ose “lektor”;
- e) në kohën e kandidimit të mos jenë rektor ose Drejtor i Shkollës së Magjistraturës;
- f) nuk kanë masë disiplinore në fuqi;
- g) nuk kanë qenë të dënuar me vendim gjyqësor të formës së prerë për kryerjen e një vepre penale;
- h) nuk kanë mbajtur gjatë 10 viteve të fundit funksione politike në administratën publike ose pozicione drejtuese në parti të politike përpara kandidimit;
- i) nuk kanë qenë anëtarë, bashkëpunëtorë ose të favorizuar të ish-Sigurimit të Shtetit para 2 korrikut 1991 në kuptimin e ligjit “Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë”;
- j) nuk janë bashkëpunëtorë, informatorë ose agjentë të shërbimeve inteligjente;
- k) në kohën e kandidimit, të mos kenë asnjë anëtar të familjes, sipas kuptimit të ligjit “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”, si dhe të afërm të shkallës së parë që është anëtar në detyrë i Këshillit ose kandidat për anëtar.

Kandidatët duhet të paraqesin dokumentacionin e kërkuar sipas përcaktimeve të nenit 36 dhe 39 të ligjit nr.115/2016, datë 03.11.2016 “Për Organet e Qeverisjes së Sistemit të Drejtësisë”.

Propozimi i çdo kandidature duhet të përmbajë:

1. jetëshkrimin e përditësuar të nënshkruar në çdo faqe nga kandidati;
2. librezë pune ose vërtetime të tjera që provojnë përmbushjen e kriterit ligjor të përvojës në punë prej jo më pak se 15 vitesh përvojë profesionale si jurist si dhe vërtetimin që në kohën e kandidimit, të jenë pedagogë me kohë të plotë jo më pak se 5 vjet në fakultetin e drejtësisë të një institucioni të arsimit të lartë (IAL) ose pedagogë të brendshëm ose të jashtëm jomagjistratë në Shkollën e Magjistraturës;
3. vërtetim që është personel akademik i kategorisë “profesor” ose “lektor”;
4. vërtetim që nuk ka masë disiplinore në fuqi;
5. deklaratë e Konfliktit të Interesit që gjendet bashkëlidhur këtij njoftimi;
6. vërtetim i gjendjes gjyqësore;
7. një platformë personale të qëllimeve dhe objektivave që propozojnë të ndjekin në qoftë se zgjidhen;
8. formularin e vetëdeklarimit në zbatim të ligjit 138/2015 “Për garantimin e integritetit të personave që zgjidhen, emërohen ose ushtrojnë funksione publike”, i cili gjendet i publikuar në faqen zyrtare të Kuvendit të Shqipërisë si dhe bashkëlidhur këtij njoftimi;

9. formularin e plotësuar në zbatim të ligjit nr.45/2015, “Për të Drejtën e Informimit për Dokumentet e ish – Sigurimit të Shtetit të Republikës Popullore Socialiste të Shqipërisë”, i cili gjendet bashkëlidhur këtij njoftimi;
10. çdo dokument tjetër që vërteton përmbushjen e kushteve ligjore të parashikuara në nenin 36 të këtij ligji.

Institucionet e arsimit të lartë që kanë në përbërje të tyre si njësi kryesore fakultete të drejtësisë, të akredituara sipas rregullave të legjislacionit në fuqi, si dhe Shkolla e Magjistraturës, të fillojnë procedurat për shpalljen e thirrjeve të interesit, për depozitimin e kandidaturave dhe të dokumentacionit përkatës, si dhe për verifikimin e plotësimit të kriterëve ligjore të kandidatëve, sipas parashikimeve të neneve 36, 37, 39, 40 e në vazhdim, të ligjit 115/2016 “Për organet e qeverisjes së sistemit të drejtësisë”.

NJOFTIM PËR SHPALLJEN E VENDIT VAKANT PËR ANËTAR TË KËSHILLIT TË LARTË TË PROKURORISË

Sipas përcaktimeve të nenit 149 të Kushtetutës së Republikës së Shqipërisë dhe nenit 134, 135 dhe 137 të ligjit nr.115/2016, datë 03.11.2016 “Për Organet e Qeverisjes së Sistemit të Drejtësisë”, Sekretari i Përgjithshëm i Kuvendit të Shqipërisë me vendimin nr. 2, datë 22.07.2021, vendosi “*Shpalljen e dy vendeve vakante anëtar të Këshillit të Lartë të Prokurorisë nga trupa e pedagogëve të fakulteteve të drejtësisë dhe të Shkollës së Magjistraturës*”.

Ftohen për paraqitjen e kandidaturave për anëtar të Këshillit të Lartë të Prokurorisë, individët që:

- a) janë shtetas shqiptarë
- b) kanë jo më pak se 15 vjet përvojë profesionale si jurist.
- c) në kohën e kandidimit, të jenë pedagogë me kohë të plotë jo më pak se 5 vjet në fakultetin e drejtësisë të një institucioni të arsimit të lartë (IAL) ose pedagogë të brendshëm ose të jashtëm jomagjistratë në Shkollën e Magjistraturës;
- d) janë personel akademik të kategorisë “profesor” ose “lektor”;
- e) në kohën e kandidimit të mos jenë rektor ose Drejtor i Shkollës së Magjistraturës;
- f) nuk kanë masë disiplinore në fuqi;
- g) nuk kanë qenë të dënuar me vendim gjyqësor të formës së prerë për kryerjen e një vepre penale;
- h) nuk kanë mbajtur gjatë 10 viteve të fundit funksione politike në administratën publike ose pozicione drejtuese në partitë politike përpara kandidimit;
- i) nuk kanë qenë anëtarë, bashkëpunëtorë ose të favorizuar të ish-Sigurimit të Shtetit para 2 korrikut 1991 në kuptimin e ligjit “Për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë”;
- j) nuk janë bashkëpunëtorë, informatorë ose agjentë të shërbimeve inteligjente;
- k) në kohën e kandidimit, të mos kenë asnjë anëtar të familjes, sipas kuptimit të ligjit “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”, si dhe të afërm të shkallës së parë që është anëtar në detyrë i Këshillit ose kandidat për anëtar.

Kandidatët duhet të paraqesin dokumentacionin e kërkuar sipas përcaktimeve të nenit 134 dhe 137 të ligjit nr.115/2016, datë 03.11.2016 “Për Organet e Qeverisjes së Sistemit të Drejtësisë”.

Propozimi i çdo kandidature duhet të përmbajë:

1. jetëshkrimin e përditësuar të nënshkruar në çdo faqe nga kandidati;
2. librezë pune ose vërtetime të tjera që provojnë përmbushjen e kriterit ligjor të përvojës në punë prej jo më pak se 15 vitesh përvojë profesionale si jurist si dhe vërtetimin që në kohën e kandidimit, të jenë pedagogë me kohë të plotë jo më pak se 5 vjet në fakultetin e drejtësisë të një institucioni të arsimit të lartë (IAL) ose pedagogë të brendshëm ose të jashtëm jomagjistratë në Shkollën e Magjistraturës;
3. vërtetim që është personel akademik i kategorisë “profesor” ose “lektor”;
4. vërtetim që nuk ka masë disiplinore në fuqi;
5. deklaratë e Konfliktit të Interesit që gjendet bashkëlidhur këtij njoftimi;
6. vërtetim i gjendjes gjyqësore;
7. një platformë personale të qëllimeve dhe objektivave që propozojnë të ndjekin në qoftë se zgjidhen;
8. formularin e vetëdeklarimit në zbatim të ligjit 138/2015 “Për garantimin e integritetit të personave që zgjidhen, emërohen ose ushtrojnë funksione publike”, i cili gjendet i publikuar në faqen zyrtare të Kuvendit të Shqipërisë si dhe bashkëlidhur këtij njoftimi;

9. formularin e plotësuar në zbatim të ligjit nr.45/2015, “Për të Drejtën e Informimit për Dokumentet e ish – Sigurimit të Shtetit të Republikës Popullore Socialiste të Shqipërisë”, i cili gjendet bashkëlidhur këtij njoftimi;
10. çdo dokument tjetër që vërteton përmbushjen e kushteve ligjore të parashikuara në nenin 36 të këtij ligji.

Institucionet e arsimit të lartë që kanë në përbërje të tyre si njësi kryesore fakultete të drejtësisë, të akredituara sipas rregullave të legjislacionit në fuqi, si dhe Shkolla e Magjistraturës, të fillojnë procedurat për shpalljen e thirrjeve të interesit, për depozitimin e kandidaturave dhe të dokumentacionit përkatës, si dhe për verifikimin e plotësimit të kriterëve ligjore të kandidatëve, sipas parashikimeve të neneve 134, 135, 137, 140 e në vazhdim, të ligjit 115/2016 “Për organet e qeverisjes së sistemit të drejtësisë”.